



Publicaziuns dalla vischnaunca, jamna 3

Damondas da baghegiar

Datum da publicaziun: ils 18 da schaner 2013

Nr. 2013-1000

Il patrun: Statthalterei Kloster Disentis Via Claustra, 7180 Disentis/Mustér

Il representant: Aluis Huonder, architect dipl. FH SIA Via da scola 18, 7180 Disentis/Mustér

Object: Garascha cun tschun plazs per la Casa Sontget, parcella 903, Via Sursilvana 12, 7180 Disentis/Mustér

Nr. 2013-1001

Il patrun: Hansjürg Nägeli Brunnenwiesenstrasse 28, 8610 Uster

Il representant: Richard Fischer Oberdorfstrasse 24, 8424 Embrach

Object: Construcziun da dus parcadis, ulivar plaz da seser, parcella 1850, Via Plaun Sut 12, 7180 Disentis/Mustér

Nr. 2013-1002

La patruna: Claudia Younes Via Alpsu 17, 7180 Disentis/Mustér

Object: Quater parcadis sin parcella 690, Via Alpsu 17, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 14-1-2013

Uffeci da baghegiar Disentis/Mustér

Cussegl da vischnaunca

Seduta constitutiva dil cussegl da vischnaunca

Venderdis, ils 11 da schaner 2013 ha giu liug la seduta constitutiva dil cussegl da vischnaunca per la perioda d'uffeci 2013/2016. La manifestaziun festiva ei vegnida enramada d'entginas bialas producziuns dil Chor baselgia Segnas sut la direcziun da Yvonne Flepp-Venzin. Sco niev president dil cussegl da vischnaunca ei Flavio Murer vegnius eligius. Alla fin dalla seduta ei vegniu offeriu in puschegn, preparaus cun gronda premura dalla Gruppa da puras Mustér.

Avertura

En siu plaid d'avertura engrazia il president communal Francestg Cajacob als commembers dallas autoritads communalas e dallas cumissiuns sco era allas numerusas persunas che han cooperau en ina ni l'autra fuorma. La regiun ed en special la vischnaunca da Mustér stattan avon grondas sfidas. Mantener e crear novas plazzas da lavur a Mustér sco subcenter ei decisiv per in prosperar e per garantir in futur cun perspectivas. Quei ei denton mo pusseivel en cooperaziun cun las vischnauncas vischinontas e cul sustegn dil suveran. A vesta alla stretga collaboraziun existenta ei ina fusiun dallas vischnauncas da Sursassiala a mesa vesta ina opziun concreta. In dils puncts ils pli essenzials dil proxim temps ei construir punts denter giuvens e vegls, denter indigens ed jasters, denter la vischnaunca ed ils vischins e denter ils purtaders da prestaziun el liug.



Undraziuns

Il president communal engrazia cordialmein als officials, che han demissiunau per la fin dil trienni 2013/2016. Duront onns e decennis han els prestau ina enorma lavur per la communitad. Sco segn da gronda engrazieivladad e renconuschientscha obtegnan els ina platta da crap scalegl cun igl uoppen dalla vischnaunca ed ina gravura persunala, creada dall'artista indigena Regina Giger-Caminada. Ei setracta da dr. Dumeni Columberg (varga 5 onns president communal), dils cussegliers da vischnaunca Clemens Berther (16 onns cussegl e 10 onns cumissiun da gestiun), Heinrich Berther (28 onns cussegl e numerusas cumissiuns), Robert Cajacob (7 onns cussegl, 9 onns cussegl da scola e 16 onns cumissiun da baghegiar), Bernadetta Caminada- Muhlebach (4 onns cussegl), Giusep Columberg (10 onns cussegl), Emerita Flepp-Degonda (4 onns cussegl), Victor Flepp (22 onns cussegl, 4 onns cumissiun da gestiun), Martina Gienal-Caviezel (7 onns cussegl), Pius Huonder (2 onns cussegl), Pirmin Lozza (4 onns cussegl), avat Vigeli Monn (13 onns cussegl, 4 onns cumissiun da gestiun). Plinavon seretila Alfons Quinter suenter haver apparteniu 7 onns al cussegl da scola. Alla fin dallas undraziuns fa il president communal era menziun dallas demissiuns en differentas cumissiuns e delegaziuns.

Elecciuns per la perioda d'uffeci 2013/2016

Sco dumbravuschs vegnan eligi Adrian Bigliel ed Adrian Pally e sco suppleants Silvio Candinas e Marco Schmed.

President e vicepresident dil cussegl da vischnaunca per 2013

Pigl onn 2013 vegn Flavio Murer eligius sco president e Wendelin Jacomet sco vicepresident. Suenter la saramentaziun dil president dil cussegl da vischnaunca e dil president communal ei suandau la saramentaziun ni empermischun dils ulteriurs commembers dil cussegl da vischnaunca e dalla suprazionza communal sco era dils commembers dil cussegl da scola.

Actuar

Sco actuar dil cussegl da vischnaunca per 2013/2016 vegn Ervin Maissen eligius.

Vicepresident communal per 2013/2016

Il cussegl da vischnaunca elegia gerau Roger Tuor sco vicepresident communal per la perioda d'uffeci 2013/2016.

Cumissiun da gestiun

Rita Huonder-Tenner (presidenta), Edgar Durschei, Flavio Murer

Cumissiun da baghegiar

Simon Bisquolm, Corsin Bundi, Theodosi Maissen, Dario Manetsch. Il cau dil departament da baghegiar, gerau Iso Mazzetta ei ex officio commember dalla cumissiun e president.

Corporaziun Spital regional Surselva

Geraua Cecilia Maissen-Desax, Armin Berther, Rita Huonder-Tenner, Jordana Lozza-Desax, Adrian Pally, Edith Bass (suppleanta)

Spitex Cadi

Geraua Cecilia Maissen-Desax, Edith Bass, Rita Huonder-Tenner, Adrian Pally

Fundaziun Casa da tgira Sursassiala

President communal Francestg Cajacob, geraua Cecilia Maissen-Desax, Duri Huonder, dr. med. Thomas Lechmann e Jordana Lozza-Desax

Repartiziun dils departaments

Tenor art. 47, alinea 3 dil regulativ da fatschentas pren il cussegl da vischnaunca enconuschientscha dalla repartiziun dils departaments.

Suprazionza communal



Taglia da tgauns 2013

Naven d'immediat **entochen la fin fevrer 2013** san las marcas da tgauns vegnir retratgas tier l'administraziun communal.

La taglia da tgauns munta pigl'emprem tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinias, per tschocs e suords ein deliberai dalla taglia, ston denton purtar la marca da tgauns. Nus supplichein da comunicar all'administraziun communal midadas, q.v.d. tals che han retratg 2012 ina marca da tgauns ed han **buca pli il tgaun, ni novs possessurs da tgauns.**

Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns. Plinavon fagein nus attents Vus sin suandontas prescripziuns:

Cuors da tgauns – cuors obligatori

Cuors teoretic, artechel 68 alinea 1, ordinaziun davart la protecziun d'animals

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon ils 1-9-2008.

Cuors practic, artechel 68 alinea 2, ordinaziun davart la protecziun d'animals

Enteifer igl'emprem onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun. **Igl attest dil cuors sto vegnir presentaus tier la retra tga dalla marca da tgauns per igl onn 2013.** Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communal Disentis/Mustér

Apparats d'udida

Gliendisdis, ils 28 da schaner 2013 saveis Vus schar schubergiar e regular Vies apparat d'udida en Casa da tgira Sursassiala a Muster che sesanfla en claustra ed a Curaglia. A Muster ei il liug signali-saus: **a Mustér** naven dallas 14.00 tochen ca. las 15.15 **a Curaglia** naven dallas 15.30 tochen ca. las 16.30 L'unien Pro Auditio Chur, cun Arthur Jacomet, fa quei survetsch per tuts interessents gratuita-mein.

Cordial invit
Casa da tgira Sursassiala

Pro Senectute Graubünden/Grischun

Neuer Englischkurs für Anfänger/innen
Niev cuors d'engles per entscheviders
Englischkurs/Cuors d'engles Pre-Intermediate
(fortgeschrittene Anfänger/entscheviders avanza)
Mira/siehe unter Ilanz/Glion.



**Uniun da dunnas Mustér
Tura cun calzera da neiv (gianellas)**

Datum: Dumengia, ils 20 da schaner 2013
Datum da stuschar 17 da fevrer 2013
Menadra: Marta Durschei
Partenza: denter las 8.00 e las 9.00

Informaziuns detagliadas ed annunzias prendan bugen encunter tochen ils 18-1-2013:

Marta Durschei, tel. 081 947 48 08
e-mail: mdurschei@gmx.ch
Sigrid Loretz, tel. 081 947 40 29
e-mail sigrid_loretz@hotmail.com

**Secziun da catschadurs Péz Alpetta
Sera familiara**

Sonda, ils 19 da schaner allas 19.00 el hotel «Sax».

**Uniun da dunnas Mustér
Mummas cun affons pigns
Nus mein a magliar raclette**

Gievgia, ils 24 da schaner 2013 allas 19.30 ell'ustria «La Furca». Annunzias pren Ada Lutz, tel. 081 947 61 31, bugen encunter entochen ils **21 da schaner 2013**.

Mummas e babs ein cordialmein envidai.
Mummas cun affons pigns Mustér

**Uniun samaritana Mustér
Radunonza generala**

La radunonza generala statutarica ha liug:
Venderdis, ils 18 da schaner 2013 allas 19.30 el hotel «Alpsu».

Cordialmein envida *la suprastonza*

Fascinaziun apicultura

Gievgia, ils 31 da schaner 2013 allas 20.15 referat e discussiun el Center sursilvan d'agricultura a Disentis/Muster cun *Andreas Pfister* (president dall'Uniun d'apiculturs Muster e contuorn).
– Il pievel d'aviuls – in reginavel democratic
– Impurtonza dall'apicultura (more than honey)
– Problems e malsognas - nua maunca ei veramein?
Silsuenter vegn offeriu in aperitiv cun products da mel d'aviuls. Entrada libra.

Cordial beinvegni!



Faszination Imkerei

Donnerstag, 31. Januar 2013, um 20.15 Uhr Vortrag und Diskussion im Center sursilvan d'agricultura mit *Andreas Pfister* (Präsident Imkerverein Disentis/Muster und Umgebung).

- Das Bienenvolk – ein demokratisches Königreich
- Die Bedeutung der Imkerei (more than honey)
- Probleme und Krankheiten – wo fehlt es wirklich?

Anschliessend an die Diskussion wird ein Aperó mit Honigprodukten offeriert. Der Eintritt ist frei.

Cordial beinvegni!

Ein Medienspezialist im Disentiser Klosterforum

Siehe unter Surselva.